

尺牘書卷之七

與徐子檢書

與沈子敬書

與

與徐子檢書

與

與徐子檢書

與徐子檢書

與

與徐子檢書

與

與徐子檢書

與徐子檢書

尺牘雋言卷之七

閩莆陳臣忠景周甫輯

吳興閔邁德日斯甫校

梁

勅昭明太子統

武帝

聞汝所進過少。轉就羸瘵。我比更無餘病。正爲汝如此。胸中亦圯塞成疾。故應強加饘粥。不使我恒爾懸心。


勅湘東王繹

武帝

到漑

字茂灌

非直爲汝行事。足爲汝師。間有進止。每須



諮訪

與何胤

字子季

武帝

疇昔歡遇。曳裾儒肆。實欲卧遊千載。畋漁百氏。一行
爲吏。此事遂乖。君清襟素託。棲寄不近。往識禍萌。實
爲先覺。超然獨善。有識欽嗟。今者爲邦。貧賤咸恥。好
仁由已。幸無凝滯。矯首還翰。慰其引領。

手勅何胤

武帝

吾雖不學。頗好博古。尚想高塵。每懷擊節。今世務紆
亂。憂責是當。不得不屈道巖阿。共成世美。必望深達。

往懷不吝濡足。

又勅

武帝

頃者學業淪廢。儒術將盡。本欲屈卿暫出。開導後生。既屬廢業。此懷未遂。延佇之勞。載盈夢想。理舟虛席。須俟來秋。所望惠然。申其宿抱耳。

手詔何點

字子哲

武帝

昔因多暇。得訪逸軌。坐修竹。臨清池。忘今語古。何其樂也。暫別丘園。十有四載。人事艱阻。亦何可言。自應運在天。每思相見。密邇物色。勞甚山阿。嚴光排九重。

字法標新

踐九等談天人。敘故舊有所不臣。何傷於高。今賜卿鹿皮巾等。後數日望能入也。

勅謝朓

武帝

自居元首。臨對百司。雖復執文經武。各修厥職。而鎮風靜俗。變教論道。自非箕穎高人。莫膺茲寄。是用虛心側席。屬想清塵。便望釋蘿襲袞。出野登朝。必不以湯有慙德。武未盡善。使壁帛虛往。蒲輪空歸。羲軒邈矣。古今殊事。不獲總駕崆峒。依風問道。方復引領雲臺。虛已宣室。紆賢之媿。載結寢興。

荅湘東王

簡文帝

試筆成文。臨池染墨。疏密俱巧。真草皆得。似望城扉。
如瞻星石。不營雲飛之散。何待曲辱之丹。方當奉彼
庭中。置之帳裏。乍楷銅鈎。時懸欹案。戢意之深。良不
能已。

與劉孝綽

簡文帝

頃擁旄西邁。載離寒暑。曉河未落。拂桂棹而先征。夕
鳥歸林。懸孤帆而未息。足使邊心憤薄。鄉思遄迴。但
離濶已久。載勞寤寐。佇聞還驛。以慰相思。

荅張纘

字伯緒

簡文帝

春庭樂景轉。蕙承風。秋雨且晴。檐梧初下。浮雲生野。
明月入樓。時命親賓。乍動嚴駕。車渠屢酌。鸚鵡驟傾。
伊昔三邊久。留四戰。胡霧連天。征旗拂日。時聞塲笛。
遙聽塞笳。或鄉思悽然。或雄心憤薄。是以沈吟短翰。
補綴庸音。寓目寫心。因事而作。

與蕭臨川

簡文帝

零雨送秋。輕寒迎節。江楓曉落。林葉初黃。登舟已積。
殊足勞止。解維金闕。定在何日。想征艫而結歎。望桂

別思愴然

席而霑衿。白雲在天。蒼波無極。瞻之岐路。眷慨良深。

荅蕭子雲

字景喬

簡文帝

得所送飛白書。縑屏蠹十牒。冠六書而獨美。超二篆而擅奇。乍寫星區。時圖鳥翅。非觀觸石。已覺雲飛。豈待金璫。便覩蟬翼。聞諸衣帛。前哲未巧。懸彼帳中。昔賢掩色。

與湘東王令

簡文帝

明威

字王規

風韻適正。神峰標映。千里絕跡。百尺無枝。

跌宕之情。彌遠濠梁之氣。特多一爾。過隙永歸。長夜。

悲思

咫尺玄門

金刀掩苳長淮絕。涸去歲冬中。已傷劉子。今茲寒孟。復悼王生。俱往之傷。信非虛說。

與廣信侯

簡文帝

仰承縱賞山中。遊心人外。青松白露。處處可悅。奇峰怪石。極目忘歸。加以法水晨流。天華夜落。往而亾返。有會昔言。牽物從務。無由獨往。仰此高蹤。寸心如結。

又

伏承淨名法席。親承金口。辭珍鹿苑。理愜鷲山。微妙密藏於斯。旣隆莊嚴道場。自茲彌闡。豈止心燈夜炳。

惟景宛然

亦乃意蕊晨飛每憶華林勝集沐浴妙言席罷日餘
退休傍省攜手登臨兼展談笑仰望九層俯窺百尺
金池動月玉樹含風當於此時足稱法樂下車以來
義言益少影末波餘希時灑拂但睽違轉積興言盈
臉願加亮納言不宣心

與劉孝儀

孝儀從弟遵卒
太子深痛借之

昭明太子

吾昔在漢南連翩書記及忝朱方從容坐首良辰美
景清風月夜鷁舟乍動朱鷺徐鳴未嘗一日而不追
隨一時而不會遇洒闌耳熱言志賦詩校覆忠賢權

字法新采

揚文史益者三友此實其人

與張纘論張緬

昭明太子

賢兄學業該通蒞事明敏自列宮朝二紀將及義惟僚屬情實親友文筵講席朝遊夕晏何曾不同茲勝賞共此言寄如何長謝奄然不追且年甫強仕方申才力摧苗落穎彌可傷惋念天倫素睦一旦相失如何可言言及增哽擘筆無次

貽明山賓

字孝若

昭明太子

明祭酒雖出撫大藩擁旄推轂珥金拖紫而恒事屢

刺心語

空聞構宇未成。今送薄助。

與湘東王繹

邵陵王綸

夫征戰之理。義在克勝。至於骨肉之戰。愈勝愈酷。捷則非功。敗則有喪。勞兵損義。虧失多矣。侯景之軍。所以未窺江外者。正爲藩屏盤固。宗鎮強密。若自相魚肉。是代景行師。景便不勞兵力。坐致成效。醜徒聞此。何快如之。

切中

下教荊州

安成王秀

處士河東韓懷明。南平韓望。南郡庾承先。河東郭麻。

竝脫落風塵。高蹈其事。或橡飢菁。羹惟日不足。或葭
牆艾席。樂在其中。昔伯武負堅。就仕河內。史雲孤劬。
屈志陳留。豈曰苗場。實惟攻玉。可加引辟。并遣喻意。
旣同魏侯。致禮之請。庶無辟疆三緘之歎。

梁國府僚勸進牋

任昉

字彥昇

嗣君棄常。自絕宗社。國命民生。翦爲仇讐。折棟崩榱。
壓焉自及。明公亮格天之功。拯水火之切。再纏日月。
重綴參辰。反龜玉於塗泥。濟斯民於阨岨。宜祗奉天。
人允膺大禮。無使後予之歌。同彼胥怨。兼濟之仁。翻

爲獨善。

荅何胤

任昉

得書知便遠。追疏董超然。高蹈輕棹已遠。供餞莫申。懷人望古。潛悵久之。

求爲劉瓛立館

任昉

劉瓛澡身浴德。脩行明經。賤珪壁於光陰。竟松筠於歲晚。而困無居止。浮寓親游。垣棟傾替。室衢墊側。有朋自遠。無用棲憑。皆負笈擔簦。櫛風沐露。輒欲與之周旋。開館招屈。臣第西偏。官有閒地。雖曰人境。實少

隹調

浮喧廣輪裁盈數畝布以施立覺熟薄藝桑麻粗創茨宇。

荅沈士麟

沈約

字休文

尊賢拔俗遙然沈冥自遠幽貞之操義高篆策約少不自涯早愛蟲鳥逐食推遷未諧夙願冀幽期可托克全素履與尊弋釣泉阜以慰閑暮則生平之心於此遂矣。

與陶弘景

字通明

沈約

先生糠粃流俗超然獨遠列電羽帶總轡雲霞方當

名書絳簡身游玄闕憑星夕卧望日朝餐而至理深
微暖焉難睹雖欲下風問道未知厥路若夫栖遲閒
遠咀嚙瓊芝出入清都師友靈聖循崖反跡無缺惟
心

報博士劉杳

字士深

沈約

生平愛嗜不在人中林壑之歡多與時奪猶復少存
閑遠激懷清曠結宇東郊匪云止息政復頗寄夙心
時得休偃君愛素情多惠以二贊辭采妍富事義畢
舉旬韻之間光影相照便覺此地自然十倍輒當置

之閣上坐卧嗟覽別卷諸篇並爲名製又山寺旣爲
警策諸賢從時復高奇解頤愈疾義兼乎此遲此敘
會更共申析

報王筠

沈約

覽所示詩實爲麗則聲和被紙光影盈字夔牙接響
顧有餘慙孔翠羣翔豈不多愧下情拙目每佇新奇
爛然總至懽興已盡

謝齊竟陵王示華嚴瓔珞

沈約

六時雨散百氏雲興或事止褒刺或義單小辯莫不

雕風煙之氣狀流日月之英華明公該玄體妙凝神
宙表廕法雲於六合揚慧日於九天因果悟其初心
菩提證其後葉陟無生之遠岸泛正水之安流爰建
三遠十號之尊崇四辯八聲之妙極法身於金剛齊
固常住與至理俱存

致徐勉

字脩

伏挺

字士

朝野懸隔山川邈殊雖咳唾時沾而顏色不覲加以
靜居廓處顧影莫酬秋風四起園林易色涼野寂寞
寒虫吟叫懷抱不可直置情慮不能無託時因吟咏

動輒盈篇。一日聊呈小文。不期過賞。還逮隆渥。累牘兼翰。紙縛字磨。誦復無已。徒恨許與過當。有傷準的。

報伏挺

徐勉

鄉雄州擢秀。弱冠升堂。穿綜百家。佃漁六學。觀眸表其韶慧。視色見其英朗。若魯國之名駒。邁雲中之白鶴。及占顯邑。試吏餘壤。將有武城絃歌。桐鄉謠咏。豈與卓魯斷斷同年。而語邪。方當見賞良能。有加寵授。飾茲簪帶。寘彼周行。而欲還幙卷舒。周懷愚智。既知益之爲累。爰悟滿則辭多。高蹈風塵。良所欽挹。今逃

達識

聽。傍。求。興。懷。寤。宿。白。駒。空。谷。幽。人。引。領。故。當。捐。此。辟。
蘿。出。從。鵲。鷺。無。垂。隱。顯。不。亦。休。哉。

誠子崧

徐勉

吾。清。明。門。宅。無。相。容。處。意。謂。此。逆。旅。舍。爾。何。事。須。華。
常。恨。時。人。謂。是。我。宅。古。往。今。來。豪。富。繼。踵。高。門。甲。第。
連。闔。洞。房。宛。其。苑。矣。定。以。誰。室。但。不。能。不。爲。崕。嶺。之。
山。聚。石。移。果。雜。以。花。卉。以。娛。休。沐。用。托。性。靈。隨。便。架。
立。不。在。廣。大。經。始。歷。年。粗。已。成。立。桃。李。茂。密。桐。竹。成。
陰。塍。脉。交。通。渠。畎。相。屬。華。樓。迴。榭。頗。有。臨。眺。之。美。孤。

真可樂

峰叢薄不無糾紛之興。冬日之陽。夏日之陰。良辰美景。文案間隙。負杖躡履。逍遙陋館。臨池觀魚。披林聽鳥。濁酒一杯。彈琴一曲。求數刻之暫樂。庶居常以待終。不宜復勞家間細務。

答謝中書

陶弘景

佳勝

山川之美。古來共談。高峰入雲。清流見底。兩岸石壁。五色交暉。青林翠竹。四時俱備。曉霧將歇。猿鳥亂鳴。夕日欲頽。沈鱗競躍。實是欲界之仙都。自康樂以來。未復有能與其奇者。

荅虞中書

陶弘景

棲六翮於荆枝。望綺雲於青漢者。有日於茲矣。而春
華來被。草木開鮮。辭動情端。志交襟曲。信知鄰德之
談。無虛往牘。夫子雖迹躔朱閣。而心期岱嶺。豈但散
髮高岫。似將飛霜絕谷。野人幸得託形。崇阜息影長
林。每對月流歎。臨風軫慨。徒事累可。豁而髮容難待。
自非齊生死於一致。孰不心熱者乎。

荅趙英才

陶弘景

子架學區中。飛才甸外。不肯掃門覓仕。復懶彈鋏求

得趣

通故偃蹇園巷從容郊邑。昔所謂傲賓者。此其是乎。
巖下鄙人。守一介之志。非敢蔑榮蚩俗。自致雲霞。任
性靈而直往。保無用以得閑。壟薪井汲。樂有餘歡。切
松煮朮。此外何務。

與從兄

陶弘景

知止

仕宦期四十左右。作尚書郎。卽抽簪高邁。今三十六
方作奉朝請。頭顱可知。不如蚤去。

與武帝

陶弘景

常言人生數紀之內。識解不能周流。天壤區區。惟充

足洗俗腸

恣五慾實可恥愧每以爲得作才鬼亦當勝於頑仙
至今猶然始欲翻然願自無射以後國政方殷山心
歟默不敢復以閒虛塵觸謹於此題事故遂成煩黷

荅釋曇鸞

陶弘景

去月耳聞音聲茲辰眼受文字將由頂禮歲積故使
真應來儀正介整拂藤蒲具陳花水端衿斂思竚聆
警錫

荅皇太子

何胤

胤性愛山泉情篤魚鳥而從鷗未狎入獸相驚胤年

齒衰暮。荒徑榛梗。緘默猷畝。棲息丘壑。秀水清潭。於茲永已。伏惟明察之德。誕縱自天。忠孝之規。不待因習。猶留神六經。降意百代。闢承華而延儒雅。掃黃闥而列文學。胤無解頤之談。屢蒙翦飾。匪南皮之舊。每荷問存。銜茲汙朽。罔知攸寘。

訪陶弘景

梁朝公卿

嘗竊觀仙書。輒嗟欣忘倦。徒羨其文。莫測其理。尋七尺之體。既同稟太始。俱服五常。以何因緣。獨超青雲。而弊金石者乎。先生領袖玄門。學究仙苑。必有以竭。

其川岼請略聞雅說

上武帝評書

袁昂

字千里

臣謂鍾繇書意氣密麗若飛鴻戲海舞鶴遊天蕭思
話書走墨連絲字勢屈強若龍跳天門虎臥鳳閣薄
紹之書字勢蹉跎如舞女低腰仙人嘯樹乃至揮毫
振紙有疾閃飛動之勢臣淺見無聞暗於明滅寧敢
謬量山海以聖命自天不得斟酌過失是非如獲湯
炭

辭府牋

王僧儒

僧儒爲南康王長史王典籤湯道愍用事府
內僧儒侮裁抑之道愍遂謫訟僧儒逮詣南
司奉牋
辭府

下官生年有值。謬仰清塵。假翼西雍。竊步東閣。恩禮
遠過。申白榮望。多廁應徐。厚德難逢。小人易說。方謂
離腸隕首。不足以報一言。露膽披誠。何能以酬。屢顧
寧謂蔚羅裁舉。微禽先落。閭闔始吹。細草仍墜。一辭
九畹。方去五雲。縱天網是漏。聖恩可恃。亦復孰寄心
骸。何施眉目。方當橫潭。亂海就魚鼈。而爲羣。披榛捫
樹。從虺虺而相伍。豈復仰聽金聲。式瞻王色。顧步高

軒悲如霰委。踟躕下席。淚若綆縻。

與何炯

字士光

王僧儒

近別之後。將隔寒暄。思子爲勞。未能忘餌。昔李叟入秦。梁生適越。猶懷悵恨。且或吟謠。況岐路之日。將離嚴網。辭無可憐。罪有不測。蓋畫地刻木。昔人所惡。叢棘旣累。於何可聞。所以握手戀戀。離別珍重。

投劾歸來。恩均舊隸。一見而降顏色。再覩而接語言。非藉左右之容。無勞羣公之助。又非同席共研之夙。逢筍餌卮酒之蚤識。一旦陪武帳。仰文櫬。入班九棘。

寫意劉切

如訴如泣

出專千里。福過災生。人指鬼瞰。不能蚤從。曲影遂乃。
取疑邪徑。譬懸厨之獸。如離繳之鳥。將充庖鼎。以餌。
鷹鸇。幸聖主留善貸之德。紆好生之施。解網祝禽。下。
車泣罪。愍茲恚訴。憐其殼觫。加肉朽齒。布葉枯株。輟。
薪止火。得不銷爛。所謂還魂斗極。追氣泰山。此五十。
年之後。人君之賜焉。

嚴秋殺氣。具物多悲。長夜展轉。百憂俱至。况復霜銷。
草色。風搖樹影。寒蟲夕叫。含輕重而同悲。秋葉晚傷。
雜黃紫而俱墜。蜘蛛落幕。燿燿爭蜚。故無車轍馬聲。

何聞鳴雞吠犬俛首事妻子。舉手謝賓游方與蜚走。
爲鄰永用蓬蒿自沒。愴其長息忽不覺生之爲重。

荅江琰

王僧儒

猥惠嘉音。用蠲疾首。發函伸紙。朗若披雲。等嶰谷之
清音。比洞庭之高曲。辭則美矣。而擬其非倫。譬享海
鳥以醇醪。嘉膳栖林。伉以崇楹。曾拱苟非其實。立有
驚怖。况復一離。訴棄賓賓。濯然豈復能使一筭可輕。
八廚斯引。且登清漢。乍棄黃汗。望影折支。爭塗再楫。
其或蹲林卧石。籍卉班荆。不過田峻野老。漁父樵客。

自有真樂

酌醴焚枯。嗚嗚相勞。羹藜含糗。果然滿腹。寧有幡旗。
貴客車馬。大賓獻書。盡先賢之德。作頌罄前皇之美。

與陳居士

王僧儒

雲波遙曷。燕越數千。行雲鬱林。征禽難使。用隔巾車。
未能搦札。引領南望。悵矣心飛。幸因劣薄。懷章貴壤。
已入虛白之室。用披蓬蒿之徑。稟紛綸之高論。承希
微之妙旨。虛往實歸。用祛塵惑。

荅法雲師

韋叡

蒙示天製。謹加讀誦。垢客雲消。特兼歡忭。法師果深。

可喜

昔緣因會今法離五慾而入八解去三界而就一乘
復得豫聞德音彌足忻讚惠告沾及戢佩實深

與永豐侯

劉孝儀

字子儀

足踐寒地身犯朔風暮宿客亭晨炊謁舍飄飄辛苦
迄屆氈鄉雜種單化頗慕中國而毳幘難淹酪漿易
厭王程有限時及玉關射鹿胡奴乃共歸國刻龍漢
節還持入塞馬銜苜蓿嘶逗故墟人獲蒲萄歸種舊
里稚子出迎善隣相勞倦握螭螭亟覆蝦枕每取朱
顏略多自醉用此終日亦以自娛

說得可傷

追荅劉沼

字明信

劉孝標

劉侯既重有斯難。值予有天倫之感。竟未之致也。尋而此君長逝。化爲異物。緒言餘論。蘊而莫傳。或有自其家得而示余者。余悲其音徽未沫。而其人已亾。青簡尚新。而宿草將列。泫然不知涕之無從也。雖隙駟不畱。尺波電謝。而秋菊春蘭。英華靡絕。故存其梗槩。更酬其旨。

荅郭峙

劉孝標

聞君子舊矣。但人非豕鹿。轉加遲滯。波駁雨滯。動間

佳語

山川故無由交羽觴薦雜佩睨浮雲以搔首臨清風而浩歌變燧迴星亦云勞止

稱族子訐歆

訐字彥度歆字士光

劉孝標

訐超越俗如半天朱霞歆矯矯出塵如雲中白鶴皆儉歲之梁稷寒年之織纈

與劉孝標借類苑

劉之遴

字思貞

間聞足下作類苑括綜百家馳騁千載撮道略之英華搜羣言之隱牘鉛摘既畢殺青已就義以類聚事以羣分述作之妙揚班儔也擅此博物何快如之吾

別思宛轉

聞爲之者勞。觀之者逸。足下已勞於精力。宜令吾見異書。

爲衡山侯與婦

侯名恭字敬範

何遜

字仲言

昔人遨游洛汭。會遇陽臺。神仙髣髴。有如今別。雖幃前微笑。涉想猶存。而幄裏餘香。從風且歇。掩屏爲疾。引領成勞。鏡想分鸞。琴悲別鶴。心如膏火。獨夜自煎。思等流波。終朝不息。聊陳往翰。寧寫款懷。遲枉瓊瑤。慰其杼軸。

與施從事

吳均

字叔牽

畫景

故鄣縣東三十五里有青山。絕壁干天。孤峰入漢。綠嶂百重。清川萬轉。歸飛之鳥。千翼競來。企水之猿。百臂相接。秋露爲霜。春蘿被徑。風雨如晦。雞鳴不已。信足蕩累頤物。悟衷散賞。

與朱元思

吳均

風煙俱淨。天山共色。從流飄蕩。任意東西。自富陽至桐廬一百許里。奇山秀水。天下獨絕。水皆縹碧。千丈見底。遊魚細石。直視無碍。急湍甚箭。猛浪若奔。夾峰高山。皆生寒樹。負勢競上。互相軒邈。爭高直指。千百

幽趣

如畫

成峰泉水激石。泠泠作響。好鳥相鳴。嚶嚶成韻。橫柯上蔽。在晝猶昏。踈條交映。有時見日。

與顧章

吳均

僕去月謝病還。覓薜蘿。梅溪之西。有石門山者。森壁爭霞。孤峰限日。幽岫含雲。深溪蓄翠。蟬吟鶴唳。水響猿啼。英英相雜。綿綿成韻。旣素重幽居。遂葺宇其上。幸富菊花。偏饒竹實。山谷所資。於斯已辦。仁智所樂。豈徒語哉。

答湘東王繹

謝幾卿

庶幾秉燭
之遊

自奉違南浦。卷迹東郊望。日臨風。瞻言佇立仰尋惠。
渥。陪奉遊宴。漾桂棹於清池。席落英於曾咀。蘭香兼。
御羽觴競集。側聽餘論。沐浴玄流。莫不相顧動容服。
心勝口。不覺春日爲遙。更謂脩夜爲促。嘉會難常。搏。
雲易遠。言念如昨。忽焉素秋。

爲李慶州孟堅使與覃無名

謝幾卿

足下南中盛族。嶺表豪門。籍譽旣深。承芳已舊。但道。
曠風雲。論平生而莫卽。江山間阻。銜杯酌以何因。空。
想神魂。徒勞夢寐。

逸致翩然

謝東宮賚園

張纘

性愛山泉。頗樂閒曠。常願卜居幽僻。屏避喧塵。傍山
臨流。面郊負郭。依林結宇。憇桃李之夏陰。對徑開軒。
採橘柚之秋實。此園左帶平湖。修陂千頃。右臨長薄。
清潭百仞。前逼逸陌。朝夕爽塏。後望鍾阜。表裏煙霞。
每賸春迎。夏華卉競。發背秋向冬。雲初澄霽。歸瞰戶。
牖。不異登臨。升降階墀。已窮歷覽。

辭餽遺

江革

我通不受餉。不容獨當故人筐。篚。

尺牘雋言卷之八

閩莆陳臣忠景周甫輯 吳興閔邁德日斯甫校

陳

與虞荔 字山披

世祖

君東南有美聲譽洽聞自應翰飛京許共康時弊而
削迹丘園保茲獨善豈使稱空谷之望邪必願便爾
俶裝且爲出都之計惟遲披觀在於茲日

與江總 字總持

後主

陸瑜 字幹玉 博綜子史諳究儒墨語玄析理披文摘句

情景在目

悲懽轉盼

未嘗不聞者心伏。聽者解頤。會意相得。自以爲布衣之賞。吾監撫之暇。頗用談笑娛情。每清風朗月。美景良辰。對羣山之參差。望巨波之滉漾。或玩新花。時觀落葉。旣聽春鳥。又聆秋雁。促膝舉觴。連情發藻。俱怡耳目。並留情致。自謂百年爲速。朝露可傷。豈謂玉折蘭摧。遽從短運。爲悲爲恨。當復何言。遺跡餘文。觸目增滋。絕絃投筆。恒有酸恨。以卿同志。聊復敘懷。

荅高祖

蔡景歷

字茂世

走賤妄庸人耳。衡門衰素。無所聞達。薄官輕資。焉能

遠大自陽九遘屯。天步艱阻。亟隣危殆。備踐薄冰。今
主道中興。殷憂啓運。獲存微命。方歡飲啄。屬此樂土。
洵美忘歸。竊服高義。暫謁門下。明將軍管蒯不棄。折
簡賜留。欲以雞鶩廁鴛鴻於池沼。將移瓦礫叅金碧
之聲價。樊林之賁。何用克堪。竊不自涯。願備下走。且
爲腹背之毛。脫充鳴吠之數。增榮改觀。爲幸已多。

復王哀

周弘讓

昔吾壯日。及第富年。俱值邕熙。並歡衡泌。絃琴促坐。
無乏名晨。玉瀝金華。冀獲難老。不虞一旦。翻覆波瀾。

見得是

吾已惕陰第非茂齒禽尚之契各在天涯永念生平
難爲胸臆且當視陰數箭排愁破涕人生樂耳憂戚
何爲猶冀蒼雁潁鯉時傳尺素清風朗月俱寄相思
擗管操觚聲淚俱咽

與沈炯

字初明

張種

字士苗

奇觀

虎丘山者吳岳之神秀者也衿帶城傍獨超衆嶺控
繞川澤顧絕羣岑峰嵒刻削窮造化之瑰詭絕澗杳
冥若鬼神之髣髴梵臺雲起寶刹星懸自非玉牒開
祥金精蘊耀豈其神怪若此者乎

與兄子秀

陳暄

但見汝書與孝典陳吾飲酒過差。吾有此好。五十餘
年。汝以飲酒爲非。吾以不飲酒爲過。昔周伯仁渡江。
唯三日醒。吾不以爲少。鄭康成一飲三百杯。吾不以
爲多。吾平生所願。身歿之後。題吾墓云。陳故酒徒陳
君之墓。道足矣。速營糟丘。吾將老焉。汝無多言。非爾
所及。

後魏

賜王慧龍

太武帝

慧龍晉僕射愉之孫宋武帝誅愉慧龍入魏
仕歷榮陽太守宋主義隆縱反間云慧龍欲
引寇入邊世祖聞曰是
齊人忌樂毅之計耳

義隆畏將軍如虎欲相中害朕自知之風塵之言想
不足介意也

詔源賀

時奸人王葉告沙
門道可與賀謀反

文成帝

卿忠誠款至著自先朝以丹青之潔而受蒼蠅之汚
朕登時研檢已加極法故遣宣意其善綏所蒞勿以
囂謗之言致損慮也

手詔太子論彭城王勰

孝文帝

汝叔父勰清規懋賞與白雲俱潔厭榮捨紱以松竹
爲心吾少與綢繆提攜道趣每請解朝纓恬真丘壑
吾以長兄之重未忍離遠何容仍屈素業長嬰世網
吾百年之後其聽勰辭蟬捨冕遂其冲悒之性

手詔王肅

字恭懿

孝文帝

不見君子中心如醉一日三歲我勞如何飾館華林
拂席相待卿欲以何日發汝墳也故復此勅

詔裴衍

字文舒

宣武帝

知欲養病中岳練石嵩嶺栖素雲根餌芝清壑騰跡

之操深用嘉焉。但治缺古風，有愧山客耳。旣志往難裁，豈容有抑，便從來請。

詔邢巒

字洪賓

宣武帝

若賊敢闖關，觀機翦撲，如其無也，則安民保境，以悅邊心。子蜀之舉，更聽後勅。方將席卷岷蜀，電掃西南，何得辭以戀親，中途告退？宜勗令圖務，中高略。

賜邢巒璽書

宣武帝

賊衍此舉，實爲傾國。比者宿豫陷沒，淮陽嬰城，凶狡倂張，規抗王旅。將軍忠規協著，火烈霜摧，電動岱陰。

風掃沂嶧。遂令逋誅之寇。一朝殲夷。元鯨大憖。千里
折首。殊勲茂捷。自古莫二。但揚區未安。餘燼宜盪。乘
勝倚角。勢不可遺。便可率厲三軍。因時經略。申威東
南。清彼江介。忘此仍勞。用圖永逸。進退規度。委之高
筭。

詔田益宗

宣武帝

懸瓠要藩。密邇崧潁。南疆之重。所寄不輕。而羣小猖
狂。忽構釁逆。量此蟻寇。惟當逃奔。將軍志翦豺狼。以
清邊境。節義慷慨。良在可嘉。故遣中書舍人趙文相

具宣朕懷。往還之規。口別指授。便可善盡筭略。隨宜追掩。勿令此豎得有竄逸。遲近清盪。更有別旨。

勅高歡

孝武帝

王若厭伏人情。杜絕物議。惟有歸河東之兵。罷建興之戎。送相州之粟。追濟州之軍。止戈散馬。各事家業。王高枕太原。朕垂拱京洛。終不舉足渡河。以干戈相指。王若馬首南向。問鼎輕重。朕雖無武。欲止不能。必爲社稷出萬死之策。決在於王。非朕能定。爲山止簣。相爲惜之。

與知故

中山王熙

吾與弟並蒙皇太后知遇。兄據大州。弟則入侍。殷勤
顏色。恩同慈母。今皇太后見廢北宮。太傅清河王橫
受屠酷。主上幼年。獨在前殿。君親如此。無以自安。故
率民兵。建大義於天下。但智力淺短。旋見囚執。上慚
朝廷。下愧相知。本以名義干心。不得不爾。流腸碎首。
復何言哉。昔李斯憶上。蔡黃犬。陸機想華亭鶴唳。豈
不以恍惚無際。一去不還者乎。今欲對秋月。臨春風。
藉芳草。蔭花樹。廣召名勝。賦詩洛濱。其可得乎。

與李神儁等

王誦字國章

盧冠軍在此時復惠好輒留連數日得諮詢政道

荅崔謀

李繪字敬文

鴿有六翮蜚則冲天麋有四足走便入海下官庸體
疏嬾手足遲鈍不能逐蜚追走遠事佞人

與陽休之

字子烈

祖鴻勳

吾比以家貧親老時還故郡在本縣之西界有雕山
焉其處間遠水石清麗高崖四匝良田數頃家先有
野舍於斯而遭亂荒廢今復經始卽石成基憑林起

應接不暇

棟蘿生映宇。泉流繞階。月松風草。緣庭綺合。日華雲
實。傍沼星羅。簷下流烟。共霄氣而舒卷。園中桃李。雜
松柏而蔥蒨。時一褰裳涉澗。負杖登峰。心悠悠以孤
上。身飄飄而將逝。杳然不復自知在天地間矣。第官
位既達。聲華已遠。象由齒斃。膏用明煎。既覽老氏谷
神之談。應體留侯止足之逸。若能翻然清尚。解珮捐
簪。則吾於茲山莊可辨。一得把臂入林。挂巾垂杖。携
酒登巖。舒席平山。道素志。論舊款。訪丹法。語玄書。斯
亦樂矣。何必富貴乎。緬尋此旨。杳若天漢。

與太祖手書

賀拔勝

字破胡

勝萬里杖策歸身闕庭冀望與公掃除逋寇不幸殞
斃微志不伸若死而有知猶望魂飛賊庭以報恩遇
耳

北齊

與鄴下諸貴

神武帝

崔暹始居憲臺乃爾糾劾咸陽王司馬令竝是吾對
門布衣之舊尊貴親昵無過二人同時獲罪吾不能
救諸君其慎之

遺李槃

崔瞻

字彥通

仗氣使酒。我之常弊。詆訶指切。在卿尤甚。足下告歸。吾於何聞過也。

與郎基

字世業

潘子義

在官寫書。亦是風流罪過。

遺楊歆

高潛

燕趙固多奇士。此言誠不爲謬。今歲所貢秀才李德林者。文章學識。固不待言。觀其風神氣宇。終爲棟梁之用。至如經國大體。是賈生晁錯之儔。雕蟲小技。亦

相如子雲之輩。今雖唐虞君世俊。又盈朝。然修大厦者。豈猷夫良材之積也。

後周

責侯莫陳說

太祖

王室多故。高氏專權。主上虚心。寄隆晉鄭君。與故將軍同受密旨。屢結盟約。期於畢力。共匡時難。口血未乾。匕首已發。協黨國賊。共危本朝。孤恩負誓。有覩面目。吾以弱才。猥當藩牧。聞問之日。魂守驚馳。陳啓天朝。暫來奔赴。今日進退。惟君是視。君若督率所部。自

山隴東邁。吾亦總勒師徒。北道還闕。共追廉蔣之迹。同慕寇賈之風。如其首竄兩端。不時奉詔。專戮違旨。國有常刑。枕戈坐甲。指日相見。幸圖利害。無貽噬臍。

詔公卿論蘇綽

太祖

蘇尚書平生謙退。敦尚儉約。吾欲全其素志。便恐悠悠之徒。有所未達。如其厚加贈謚。又乖夙昔相知之道。進退惟谷。孤有疑焉。

致梁沈重

武帝

卿學冠儒宗。行標士則。卞寶復潤於荆陰。隨照更明。

於漢浦。是用寤寐增勞。瞻望軫念。爰致束帛之聘。命翹車之招。所望鳳舉鴻翻。俄而萃止。明斯隱滯。合彼異同。

荅沈重乞還梁

武帝

開府漢南杞梓。每軫虛衿。江東竹箭。亟疲延首。故束帛聘申。蒲輪徵伏。加以梁朝舊齒。結綬三世。沐浴榮光。祇承寵渥。不忌戀本。深足嘉尚。而楚材晉用。豈無先哲。方事求賢。義乖來肅。

與子宇文護

閭姬

閻姬汝於貧賤居等相之後每遣
尋求莫知音息至是齊許還朝

天地隔塞子母異所三十餘年存亡斷絕肝腸之痛
不能自勝想汝悲思之懷復何可處吾自念十九入
汝家今已八十矣既逢喪亂備嘗間阻恒冀汝等長
成得見一日安樂何期罪釁深重存沒分離今寄汝
小時所着錦袍表一領至宜檢看知吾含悲戚多歷
年祀屬千載之運逢大齊之德矜老開恩許得相見
一聞此言死猶不朽況如今者勢必聚集禽獸草木
母子相依吾有何罪與汝分離今後何福還望見汝

痛心

言此悲喜死而更蘇。世間所有求皆可得。母子異國。何處可求。假汝貴極王公。富過山海。有一老母八十之年。飄然千里。死。旦夕。不得一朝暫見。不得一日同處。寒不得汝衣。饑不得汝食。汝雖窮榮極盛。光耀世間。汝何用爲。於吾何益。

隋

與源雄

字世略

文帝

公妻子在鄴城。雖言離隔。賊徒剪滅。聚會非難。今日已後。不過數旬之別。遲能開慰。無以累懷。徐部大藩。

東南襟帶。密邇吳寇。特須安撫。藉公英略。委以邊謀。善建功名。用副朝委。

與元孝矩書

文帝

知執謙撝。請歸初服。恭膺寶令。實賴元功。方欲委裘。寄以分陝。何容便請高蹈。獨爲君子者乎。若以邊境務煩。卽宜徙節涇郡。養德臥治也。

賜徐則

煬帝

先生履德養空。宗玄齊物。深明義味。曉達法門。悅性沖玄。怡神虛白。餐松餌朮。栖息烟霞。籍甚嘉猷。有勞

寤寐故遣使人往彼延請想無勞束帛賁然來思不待蒲輪去彼空谷希能屈已佇望披雲

遺史祥

字世休

煬帝

比監國多暇養病閑官親朋遠矣琴書寂然想望吾賢疾如疾首

遣延智覬

煬帝

金風戒節玉露調時道體休和安樂行不法師抗志名山棲心慧定法門靜悅戒行熏脩籍甚徽猷久承音德欽風已積味道爲勞冀託舟航用披雲霧故遣

使人往彼延屈。希能輕舉。以沃虛襟。佇望來儀。不乖眷意也。

與智聚

齊王暕

逖聽清規。其來有日。獨步江東。何甚之美。未獲稽疑。下筵。食承高誼。杼軸之勞。載盈懷抱。據虎之岫。川途不遙。翔鷺之濤。風煙相接。必願振忍辱之衣。赴翹勤之望。

與子弟

韋世康

吾生因緒餘。夙霑纓弁。驅馳不已。四紀於茲。亟登衮

命頻泣方嶽。今耄雖未及。壯年已謝。霜早梧楸。風先蒲柳。祿豈須多。防滿則退。年不待暮。有疾便辭。況孃春秋已高。溫清宜奉。晨昏有關。臯在我躬。今世穆世文。並從戎役。吾與世沖。復嬰遠任。陟謁瞻望。此情彌切。桓山之悲。倍深常戀。意欲上聞。乞遵養禮。未訪汝等。故遣此及。興言遠慕。感咽難勝。

荅太子

史祥

伏承監國多暇。養德怡神。追西園之愛客。眷南皮之出游。疇昔之恩。無忘造次。祥自忝式遏。載罹寒暑。每

至清風夕起。朗月孤照。想鳴葭之啓路。思托乘於後車。塞表京華。山川悠遠。瞻望浮雲。伏增潛結。

謝齊王暕

王貞

字孝逸

孝逸生於戰爭之季。長於風塵之世。學無半古。才不逮人。往屬休明。寸陰已昃。歸來反覆。心灰遂寒。豈謂橫議過實。虛塵睿覽。枉高車以載。懸費明珠以彈雀。遂得裹糧三月。重高門之餘地。背淮千里。望章臺之後塵。與懸黎而並肆。將駿驥而同阜。但以積年沈痼。遺亾日久。拙思所存。纔成三十三卷。怖甚真龍之降。

人別集卷之八
慙過白豕之歸伏紙陳情形神悚越

